



**BEE TIMOR-LESTE, EMPRESA PÚBLICA
BTL, E.P.**

Avenida 20 de Maio, Caicoli, Dili Timor-Leste Caixa Postal No- 194, Telp- 3311539

TERMUS DE REFERÉNSIA

Pozisaun: Tékniku Operador ba Sistema Be'e Mos Munisipiu

Introdusaun

Timor-Leste nia Planu Desenvolvimentu Estratejiku (PDE) 2011–2030 ho SDG 6 mensiona katak asesu ba beé hemu nebe seguru no infraestruturá saneamentu vital tebes ba ekonomia ho desenvolvimentu social Timor-Leste nian. Ho nune, VIII Governu Konstitusional nia programa konsidera katak krusial tebes atu investe iha abastesimentu beé ho servisu sanementu. Objetivu prinsipal maka, suporta seitor beé ho saneamentu konstitui investimentu simultaniu ida iha saude no hadia kualidade moris populasáun, ambiente, turismu, no edukasaun, nebe direktamente fo impaktu ba kresimentu ekonomia nasaun nian. Atu atinji metas PDE ho SDG 6, Governu Timor-Leste deside ona atu estabese unidade ida atu fornese abastesimentu beé ho saneamentu ba populasáun ho qualidade ne'ebé aas no servisu efisiensia. Iha tinan kotuk, 1 Abril 2020, Governu liu husi Konsehu Ministrus (KM) aprova dekretu lei n.º 41/2020 atu transfere Diresaun Jeral Beé ho Saneamentu (DGAS) ba unidade ho naran “Beé Timor-Leste Empresa Pública (BTL, EP)” no iha loron 24 Setembru 2020, Presidente da Republika promulga ona dekretu lei ne'e. Dekretu lei ne mak hamosu BTL, EP nudar empresa pública, integráda iha administrasaun indereta estadu nian, nebe kompleta ona ho estatutu legal, administrativu, finansial, no autonomia patrimonial sob a tutela no superintendensia ba Ministro das Obras Públicas. Empresa pública nia misaun maka atu ajuda Governu iha implementasaun politika nasional ba beé ho saneamentu liu husi jestaun integrádu no sustentavel abastesimentu beé no servisu saneamentu. Atu bele halao misaun ne'e, BTL, EP planu ona atu rekruta pesoal competente no abilidade atu servisu hamutuk no prenche pozisaun **Tékniku Operador ba Sistema Bee Mos Munisipiu**.

Eskopu de Servisu

Tékniku Operador Sistema Be'e Mos sei suporta BTL, EP atu halo servisu operacional ho manutensaun ba sistema abastesimentu beé mos, neébe sei inklui; apoio halo tratamentu, distribui, no halo observasaun, monitorizasaun ba sistema beé mos. Spesifikamente, tau matan ba sistema intake, transmisaun, Estasaun Tratamentu Agua (ETA), reservatoria, distribuisaun, kondisaun metro kontador, koneksaun ilegal, kanu kuak/aat, iha area serbisu ne'ebé responsavel ba.

Detalhu konaba Servisu ho Rezultadu Espektativa

Tekniku Operador Sistema Bee Mos sei responsavel ba:

1. Halo operasaun ba sistema gravitasaun no bomba tuir guia/instrusaun, iha kada Zona nebe iha sira nia responsabilidade okos;
2. Apoio asegura qualidade bee, liu husi apoio serbiso tratamento bee, inklui kordena ho gestaun patrimonio hodi halo rekizasaun no kahor aimoruk, tuir SOPs/orientasaun husi superior/enginhero kimiko nebe responsavel ba tratamentu bee;
3. Halo monitorizasaun ba sistema bee mos, inklui tau matan ba intake, bomba, transmisaun, reservatorio, sentro tratamentu bee, distribuisaun, no konesaun ilegal, i relata ba superior sira wanhira hetan iregularidades ruma, par bele resolve i evita problema sai boot liu tan;
4. Halo serbiso manutensaun regularmente ba sistema bee mos, inklui hamos intake, ETA, tanki reservatorio, bomba, hadiak kanu hetan estragus, no hadiak/hakotu koneksaun ilegal;
5. Distribui bee mos ba konsumidores regularmente tuir regras;
6. Tau matan ba kontador regularmente no relata ba superior sira wanhira nota passoal balun estraga ou muda kontador sem konhesementu husi BTL. E.P.;
7. Apoio le'e kontador tuir SOPs nebe existe, no fornese dados ba Departementu Apoio Cliente liu husi superior sira par bele facilita rekoilha receitas;
8. Apoio identifika no prepara lista materiais i asesories , i.e. kano, konektor, etc nebe presisa ho ninia especificasaun, i relata ba superior par bele prosesa tuir SOPs nune'e bele facilita melhora serbiso O&M;
9. Halo ligasaun ba uma kain foun tuir SOPs;
10. Apoio rekoilha dados relevantes, inklui dados sobre; kimiku ne'ebe utiliza hodi halo tratamentu ba be'e (kimiko saida, kuantidade hira), volume bee produs kada loron/fulan/tinan, materiais ou ekipamentu utiliza hodi halo serbiso manutensaun (saida, hira, no uza iha nebe?);
11. Halo serbisu relevantes tuir orientasaun superior, nune'e bele asegura forneselementu bee mos ba konsumidores sira iha munisipiu.

Kualifikasaun ho Experiensia

- Tekniku Operador Sistema Bee Mos Munisipiu minimu tenke iha sertifikadu eskola tekniku vokasional (STM) ou sertifikadu kursu tekniku vokasional iha area soldadura, mekanika, hidrolijika, saneamentu, ho kanalizasaun, ou iha disiplina nebe'e relasiona ho area abastesimentu be'e no saneamentu;
- Sidadaun Timor-Leste, Feto ho Mane ho idade maximu 45, no fisicamente forte, i prontu serbiso shift tuir SOPs (troka malu, loron ho kalan).

- Mais ou menos iha experensia tinan 1-3 iha area operacional no manutensaun abastesimentu beé no saneamentu iha area urbana no rural;
- Iha abilidade komunikasaun diak
- Residente/orijinalidade husi munisipiu ne'ebé rekruta
- Tenke koalia Tetum. vantajem diak karik bele koalia Ingles no Portugues